

Saw Dwg Baengzyoux Ndei Gou

书是我的好朋友

贵港市覃塘区蒙公乡高占小学五(1)班 李贵辉



Yinghgoz boux cozgyah miz-mingz Sahswbijya gangi gvaq: "Saw dwg doxgaiq yingzyangj daengx seiqgyaiq." Dwg ha, saw mboujdan sawj gyoengqraeuz bienq ndaej coengmingz, lij son hawj raeuz dauhleix guhvunz.

Gou gig gyaез doesaw. Saw daiq hawj gou haujlai yinxdaeuz, hawj gou rox dauhleix. Lumj 《Dahlwg Aenhajj》, dah byavunz

gyaeundeidei ndaw haij, de vih hawj boux vunz de gyaез haenx gvaq ndaej vuenyungz, mbouj caiq bienq baenz vunz, diuq roengz haij bae vaq baenz bopraemx. Gou vih gij simzsienh dah byavunz gyaеundeidei neix gamjdoengh dwk raemxda lae'byoedbyoed. Youh lumj 《Bitlwg Yakyawj》, gij ginglig bitlwg yak-yawj yienznaeuz gig dwgengz gig sinhoj, hoeng doeklaeng bitlwg doenggvaq de gag roengzrengz, saedyienh le simnyienh swheij, bienqbaenz duz hanqmbwn hau gyaеundeidei ndeu. Govwnz 《Feizcoemh Yenzmingzyenz》 lwnh gou: Doeklaeng couh deng hoenx, cijmiz maenh'ak, seiqgyaiq cij hozbingz!

Cijaeu ndaejhoengq, gou couh doesaw. Gou lumj bouxvunz dungxiex nei, youq ndaw saw mbouj dingz supaeu yingzyangj cihsiz. Saw lumj aenruz, doh gou haeuz ndaw haij cihsiz bae, gou youq ndaw haij cihsiz youz, ciengzciengz sij mbouj ndaej okdaeuz.

Danghnaeuz mbouj miz saw, saedceij gvaq ndaej geijlai mbwq ha! Gou nyienh baenz ngoenz youq ranz yawj saw, hix mbouj nyienh okbae youzangq, saw gaenq baenz bouhfaenh sengmingh gou lo.

Saw hawj gou haujlai haujlai yingzyangj, buenx gou ndangcangq majhung, saw couh lumj baengz-youx ndei gou. Gou gyaез yawj saw. (指导老师:覃红梅)

Vang'vang Iq Ranz Gou

我家的小汪汪

贵港市覃塘区蒙公乡高占小学四(1) 李燕萍

Bineix ndwenbet, daxmeh bae ranz daxdaiq gaeb duz malwg ndeu ma ranz ciengx. Dou heuh de guh vang'vang iq.

Vang'vang iq caen dwggyaez, doiq rwz gig hung, lumj rwzdouq ityiengh; lwgda luenzlili, rongh lumj giuzbohliz; aenbak diegbied hung, fouqheuj raeh raixcaix, couhsuenq dwg ndokgeng de hix geux ndaej. Daengx ndang de cungj dwg bwnyungz raeuzredred, lumj dufaiq unqnemnem hausaksak nei, geijlai dwggyaez ha!

Vangvang iq gig mizyinx, bingzseiz gou gwn ngaiz, gou couh gveng ndokmou hawj de gwn, gou caengz cuengq daengz gwnz dieg, de couh diuq hwnjdaeuz, daj ndaw fwngz gou ciengj bae. Miz seiz

ndaek ndok hung di, de couh gamz bae gizgyae, bibi diuzrieng cij menhmenh henx gwn. De lij caegcaeg yawj gou, lumjbaenz doiq gou naeuz: "Bouxcawj iq, docih mwngz! Ndei gwn lai lo." Gou hix caegcaeg yawj de, gag nam gag naeuz: "Lwg damgwn neix."

Miz baez ndeu, gou cuengqhag dauqma, cingq siengj sij cozyez, vang'vang iq couh diuqlengleng buet coh gou, lumjbaenz naeuz: "Bouxcawj iq! Bouxcawj iq! Buenx gou guhcaemz yaep ndeu ba!" Gou rub aen'gyaeuz de naeuz: "Mbouj ndaej ha, gou mbouj ndaej hoengq, gou yaek sij cozyez." Vang'vang iq muenghmuengh gou, rizriz aenbak, lumjbaenz naeuz: "Gouzgouz mwngz lo, gag gou youq ranz mbwq lai lo."



Gou gyajcang sing hung ndaq de: "Deuz bae lingsh giz, gaej nguoh gou sij cozyez." Vang'vang iq dingq le couh gvaigvai deuz bae, mbouj gamj cauz gou sij cozyez lo.

Gyanghaet, gou hwnqcongз baez hai bakdou, vang'vang iq couh bibi diuzrieng buet gvaqdaeuz, doiq lwgda luenzli ndongqlik muengh dwk gou, lumjbaenz doiq gou naeuz: "Bouxcawj iq, gyanghaet ndei!"

Vang'vang iq geijlai dwggyaez ha! Gou maij vang'vang iq ranz gou. (指导老师:韦江萍)

Daxgoeng Gou

我的爷爷

贵港市覃塘区蒙公乡高占小学二(1)班 雷振越

Daxgoeng gou bineix 68 bi lo, byoemgyaeuz de lumj dufaiq ityiengh hausaksak, baez yawj densi cungj daiq fouq nganxgingq gvaengh ndaem ndeu.

Daxgoeng gou lij gig ndangcangq miz rengz, de gig gaenx guhhong, nazreih ndaw ranz cungj dwg de dajcae dajrauq. Daxboh caeuq daxmeh gou bae Gvangj-dungh guhhong ra cienz, gyoengqde heuh daxgoeng caeuq daxbuz gaej guh hongnaz lo, dajleix gou caeuq daegnuengx gaenq sinhoj lai lo. Hoeng, daxgoeng mbouj dingq, riuho ho naeuz: "Guh di hongnaz suenq gijmaz, swheij ndaem haeux gwn cij van, caiqgangj guh di hong doiq ndangdae engq ndei."

Daxgoeng hix gig gyaез duzvaiz, de naeuz duzvaiz dwg aenbauj bouxguhnaz. Hongnaz guh sat le, daxbuz bae ra doih gangjgoj, daxgoeng couh bae langhvaiz, mbwn ndat seiz, youh aeu raemxcingj daeuz rwed ndang vaiz, ciengzseiz dawz rienghvaiz baet ndaej seuqsatsat bae.

Daxgoeng gou couhdwg bouxvunz yienghneix. Gou gyaез daxgoeng gou.

(指导老师:覃珍团)



Bineix sujgyaj, daxboh daxmeh daiq gou bae Nanzningz youz. Gou loq cungj siengj bae Nanzningz Gyahlwbij Seiqgyaiq Raemx guhcaemz ha!

Gyahlwbij Seiqgyaiq Raemx dwg youq ndaw Nanzningz Dungvuzyenz. Ngoenzhaenx, dou bae daengz bakdou dungvuzyenz, cawx ndei biuq le couh haeujbae lo. Ha! Daengz baihindaw Gyahlwbij Seiqgyaiq Raemx couh

Youz Nanzningz Gyahlwbij Seiqgyaiq Raemx

游南宁加勒比水世界

贵港市覃塘区蒙公乡高占小学六(1) 韦昌昊

lumj daengz lingsh aen seiqgyaiq ityiengh, mbwn lamzsubsub, raemx lamzsubsub, aenranz hix dwg lamzsubsub, gizneix lumjbaenz gijmaz cungj dwg lamzsubsub nei. Gou caeuq daxboh sien bae naengh lae'rod vaiqvet, laerod vaiqvet daihgaiq miz haj caengz laeuz sang, dou daj gwnz dingj rod roengzdaeuz, rod ndaej vaiq raixcaix, gou youh hemq youh swenj, caen haisim ha! Hoeng daxboh cix dungxmbouq ndangsaenz, naj cungj bienq heu lo. Ciepdwk, gou gag bae naengh aenruz iq daj ndaw aen cong

hung nod roengzdaeuz, geijlai mizyinx ha! Dingqnyi gangi daengz banngaiz 12 diemj cung, youq ndaw raemxlaeg lij miz vunz guh langhraemx caeuq langhraemxgienj. Dou caj daengz 12 diemj cung le, couh roengz raemx bae, sawqmwh aen langhraemx he bek gwnz naj gou, naj gou deng bek hoengz lo. Daxboh ngamq yaek beng gou, langhraemx hung youh gyaep gvaqdaeuz lo, dawz gyoengqvunz hemqyaya haenx cungj dongj bae gyaе'gyae lo. Dou youh bae giz langhraemxgienj, va, langhraemx beij

haxbaenh sang lai lo, daih'it baez miz 2 mij sang, gou caeuq gyoengqvunz cungj deng langhraemx dumh lo. Baez langhraemx neix ngamq gienj gvaqbae, lingsh baez langhraemx miz 3 mij sang youh gienj gvaqdaeuz lo. Gou youh deng raemx dumh lo, hoeng gou mbouj lau saek di, roxnyinh gvaqyinx raixcaix. Langhraemx gienj gvaq le, dou youh bae youz gij wnq.....

Nanzningz Gyahlwbij Seiqgyaiq Raemx miz haujlai giz ndei guhcaemz, miz gihvei sou hix bae guhcaemz ba! (指导老师:周旭)